

Eletar yay étiar yo Pier ahič me **Waf waw wabaj me n'eletar yauye**

Eletar Pier étiar ehičihič bi ni ejangaraay bugaa mof mice maamme jama Turuki. Guronejboronj ti sijaora mala min guomme ejangara (1 Pier 1.1 ni 2.11). Bugan bugagu bugo gučindor me gučotihenilčotihen ban ni gulalil. Gutegeilteh sulob ban ni gupinor élatienil.

Pier nahihič bi eramben gáinen gagu golil ni gafium gagu golil, ban naagil guaken n'guroŋ ti bugan bugo Aláemit aćobe.

Eletar yay étiar yaa Pier ehičihič bi ni ejangara gápollo n'ulago wábuliore. Maer bugo pe Biinum Banabe bukanil n'gúni ni buronj buvugul. Gubbañut guroŋ ti sipail gufan, ter pøp ti ućindoril (1 Pier 1.13 bi 2.4). **Bugo guomme ésuh yay yal Aláemit** (1 Pier 2.4-10). Gújue gumuten mátaňie mamu ni sílam sasu mata gubabaj gafium gakaneil n'guroŋ (1 Pier 1.3, 13, 21 ni 1 Pier 3.15).

Aláemit naileyilen Yésu Kirista ni ećet yay : dáuru díhag me gafium gal ajangara ánoan. Gafium gaugu gukanekan an min áju amuten ujel ni gálatien ti Yésu akan mo me : nálalam, gujeloljel ban ni gulalol. Alugenut mátaňie mamu mo gukanol me, bare nabamban̄ gafiumol pe n'Aláemit (1 Pier 4.12-19). Eletar Pier étiar

ećimećimen maagen mamu búoh buron babu ni ećet yay saa Yésu Kirista sikakan milihorumay bi ni ajangara ánoan.

Milihorumay maumu mitengiten **bu an aat me arojor ni bugan galet ejangara**; mitene ƿop **bu naat me aron ni fuomunor fal ejangara**. Eletar yay efanje etar bugan bugagu gabajut me gailo gaaro (1 Pier 2.18 bi 3.6), ti urokaaw bugo ufanil gulet me ejangara, ni ƿop waareaw gabaj me wáine galet ejangara. Buronjil bújue bukan bugagu n'gujoh wa uomme gáinen gal ajangara. Ni fuomunor fal ejangara, gábboli ni gákanumor bugan ni gupalil síćibbenećiben bugala fo ƿooil, újogum n'úpur waw bi n'ufan fo ró (1 Pier 5.1-7 ni 1 Pier 1.22 bi 2.3).

Basaf babu baa Pier

¹ Injé Pier, aamme apotora ala Yésu Kirista, ihićeul eletar yauye bi ni buru bugo Aláemit aćob me, ban ni jivisor júuy iki jićin ti sijaora ni mof mamu maa Pont, maa Galasi, maa Kapados, maa Asi ni ƿop maa Bitini. ² Aláemit Paaya naćobulćob nabor ni wo napí me nakić ahato; ni garamben gaa Biinum Banabe, náƿunnulƿuren jolul min mbi jíkanum Yésu Kirista, ban físimol ni fukanul n'jíni bugan ganabe.

Mbi gáji ni gásumay síni ni buru jálo !

Gafium gagu gájaenum me bi ni buroj

³ Usalal Aláemit, aamme Pay Ataolal Yésu Kirista ! Ñarumol enil ñájalo mee ñićilol min akanolal nubbañal ubugali ni buroj buvugul, mala eilen yay yo nailen me Yésu Kirista ni

gaçet me. Mamu ñer, nubajale gafium gaa maagen,⁴ go nuirigenale me ni go gafum gagu go Aláemit abaq me bi ni buganol. Kakan gafum gájuut gunemo, ter gúkasulo, ter þop guhonet. Aláemit nabañulgobanj dó fatiya émit.⁵ Ban buru fanjaul, íni me jíinene maagen mamu, Aláemit ni sembeol þan apoyul bi esenul gaþah ; gapah gaugu þan gúranjul funah fúsola.

⁶ Yo eçil me ínje umu n'eogul jísangor, hani þan min juom maa n'égogor ni sílam sammeñe.
⁷ Eúrus, yo nuffasal me búoh neh'ebaobao, níh'íni mee n'etujuli ni sambun bi ekan yo n'ekur das ; mo may gáinen gagu golul guot me gúlingeni ni sílam. Ban gáinen gagu gaþah me sílam, go gufanjyofanj fúf ; guçila þan gujallul me gamalen, gasal, ni gásumay no Yésu Kirista ajae me érañul.⁸ Yésu buru jimañolmañ m'bámusut jujugol. Jíinene n'açila hani þan min jujugerutol me ; o açil me n'jísangor n'ésumay ró yájaloë iki an ájuut agiten mala yo,⁹ mata jiçige ni wo gáinenul guñese me, waamme gaþah gagu golul gaa bándor.

¹⁰ Gapah gaugu, uboñer waw bugal Aláemit gunesgojes fañ ban ni guroren nímorø bi effas mala go ; gúlobalie mala gáji gagu go Aláemit abaq me bi ni buru.¹¹ Biinum babu baa Kirista ubuen ni bugo, ban búlobaliillobali mala sílam sasu so Kirista ajae me élam, ni may mala gasal gagu go sijae me ebil siñallol. Uboñer waw guliliþ bi effas tinah tay ni þop bu waf wauwu ujae me ekano.¹² Bare Aláemit nagitenilgiten búoh firim fafu fo nasenil me let bi ni bugo

fumumil, bare til bi ni buru. Firim faufu, fiçila bugan bugagu gavaree me Firim fafu Fásum me guvareeul mee jama. Gulobulfolob ni búkanum baa sembe sasu saa Biinum Banabe bápollo me n'émit. Emalakaay fanjail gumañene guffas firim faufu.

Eroŋ buroŋ baa bugan ganabe

¹³ Yo eçil me ñer juote jikan to uinumul, ban ni jíkanum fanj. Jibaŋ gáhagumul poogo ni gáji gagu go jijae me eyab no Yésu Kirista ajae me éraŋul. ¹⁴Jíkanum Aláemit ti uñil gúkanume me ubugail, ban jambi jilagen gaija gagu golul gaa naanaŋ, no jiffasenut me wáfowaf. ¹⁵Ti Aláemit açobul me anab me, buru may juote jíni bugan ganabe ni bakanerul poobo. ¹⁶Maagen mamu, Bahiêr babu buoge : « Jíni bugan ganabe, mata ínje fañaom ninanab*. »

¹⁷ Nihi jíni mee n'galaw, leti ni'juoh : « Aláemit Payóli » ? Maagen açila ataliŋe me bugan bugagu m'balujut ni buul, ánoan ni bakaneri. Yo eçil me, ni gunah gagu gañañoul me babe ni mof, mbi bakanerul bigiten gákanum gagu go jíkanumol me. ¹⁸Maagen mamu, buru jiffase bacam babu baçilul me n'jiþah ni bakaner babu bolul babajut mee nafa, bo sipayul gufan guhalul to me. Juosen búoh gapah gaugu gucamuti ni síralam ter éurus, ter þop ni fubaj fice fo nihi fubao. ¹⁹Hani ! Físim fafu fatineni mee fo Kirista áyu me molul, fáni me ti faa jibbarum jajanjañ ban n'jukur, fo til fuþagenul me. ²⁰Aláemit naþie naçob Kirista bi burok baubu balama buju

* **1:16** 1.16 Juluj Levitik 19.2

babu baa mof, bare maer ni gunah gauge gúsola
 gauge nakae ápunnulol bi mala maaro molul.
²¹ O açile min jíinen n'Aláemit ailenol me ni
 gaçet me aban nasenol gasal, dó þe min mbi
 jinjar gáinenul ni gafiumul jibañ n'Aláemit.

²² Jikakan bugan ganabe mala min jíkanum me
 maagen mamu, iki júbbolior ti batay gábboli
 gaa maagen. Kan ñer júbbolior fañ, n'uínnumul
 poowo. ²³ Firimfafu fal Aláemit fukanulkan
 n'jíni bugan guvugul, bugan gabbañe gubugi.
 Firimfaufu filet eugit yajae eçet, eugit yom
 yarondoñ. Fújuut fiçet, ufu to bi nánonan.
²⁴ Maagen mamu, Bahiêr babu buoge :

« Arafuhow ánoan nánini ti mafos,
 ban gasal gagu gola, go, gúnini ti gaya gaa gafos
 :

gafos gagu þan guhay,
 ban gaya gagu gala go n'gumulo ;

²⁵ bare Firimfafu fal Ataw, fo, ufu to bi
 nánonan†. »

Firimfaufu fo fuomme Firimfafu Fásum me
 fo guvareul mee.

2

Ení bugan guvugul bugo Aláemit açile

¹ Kan ñer jitey ekan búlaput bánoban, jibij
 jánojan, ebut bugan, ésilaet yánoyan, ni pop
 eteh bugan sulob. ² Ti uñil-gubonj, jiraf müi
 mamu mütut mamu maa Firimfafu fal Aláemit,
 mamu, þan jiak ban n'jiyab gaþah. ³ Maagen

† **1:25** 1.25 Juluj Esai 40.6-8

mamu, Bahiêr babu buoge : « Jijagene, ban jujuge búoh Ataw násusum*. »

⁴ Kan ñer julofol, aâila aamme ébirih yay yaroñ me, yo bugan bugagu gujunden me ; bare Aláemit, o, najuh búoh éjahojahor min aêob yo.

⁵ Jújoul mbal aâila, ban buru may þan jíni sibirih sarondon. Jihat Aláemit min ajarul nateþ gávi dó Biinum Banabe bujae eçin. Þan iki jikan dó gayoñ gal utenjena ganabe gáþunni jolil bi mala Aláemit. Aâila þan nihi jikan me útenen wásumol, dó þe mala Yésu Kirista. ⁶ Maagen mamu, ni Bahiêr babu fañabo Aláemit naage :

« Ebírih yáamumma niçobe,
ban yo nibanje min ícit gateþ gagu gaa
Yérusalem†.

An abañ me gafiumol ni yo, mat'ateh mahat‡. »

⁷ Bi ni buru jáinen me, ébirih yauyu kakan ébirih yabaje hámma yámah. Bare bi ni bugagu gáinenut me, yo yuomme
« ébirih yay yo uteþaaw gujunden me,
yabbanno me éni ébirih yay yáamumma yaçil
me yañ yay§ » ;

⁸ manur mamu yo yuomme þop
« ébirih yay dó bugan bugagu gujotene me,
fuvalfafu fo gúlañulore me n'gulo*. »

Nemme bugo gulalat ékanum firim Aláemit,
yo eçil me waþi me n'ulobi uya ni bugo n'ubajil
: gúlañulore ébirih yauyu min gulo.

* ^{2:3} 2.3 Juluj Ufóñ 34.9 † ^{2:6} 2.6 Ni gugerekay guoge Sion.

‡ ^{2:6} 2.6 Juluj Esai 28.16 § ^{2:7} 2.7 Juluj Ufóñ 118.22 * ^{2:8}

2.8 Juluj Esai 8.14

9 Bare buru ésuh jom yo Aláemit açobe, gayon gal uteñena bugal Aví ; buru ésuh jom yanabe, yo Aláemit aliporoe ban néni yola. Yo eçil me juote jigiten bakaner babu bájalo mee bal An ahu ápunnulul me n'emoç bi ni gajañaol gáari mee. **10** Naanaŋ, buru jilelen ésuh yay yal Aláemit, bare maer buganol jom. No, Aláemit arumenutul enil, bare maer narumul enil.

Eroŋ buroŋ ti Aláemit aman̄ yo me

11 Gutiom bugo níbboli me, ínje umu n'elaul waf wauwe, buru jaamme úuya ban þop n'jíni ejaora ni mof me : jitey gaija gagu go gániul gal arafuhow guman̄ me, gaamme n'etigen sinilul. **12** Juroŋ buron̄ báarie ni bugan bugagu gaffasut me Aláemit ; mamu, hani gulobe maarat guya ni buru min guoh buru ukana-maarat jom, bare bae þan̄ gujuh bakanerul báari mee, ban̄ ñer þan̄ gusal Aláemit funah fafu no najae me éjoul.

13 Júttun fufane fánofan fo bugan bugagu gurobene, dó þe mala Ataw : an áni me ávi, n'jíkanumol, mata açila aamme afan ahu ámah ahu ala bugan bugagu þe ; **14** úvulaol, jíkanumil þop, mata açila nah'aboñil guteh bugan bugagu gakane me maarat ban ni guruhen bugagu gakane me maaro. **15** Maagen mamu, wo Aláemit aman̄ me, wo uomme jikan maaro min mbi bugan bugagu gasonjet me ban guffasut wáfowaf gupeh utumil. **16** Juroŋ ti bugan galet umigel, bare elet umigel yauyu jamb'éni bi ni buru bulago bal ekan maarat : juroŋ ti umigel bugal Aláemit. **17** Jíkanum bugan bugagu þe. Júbboli

gutiul bugo jugum me gáinen ganur. Jimigelet Aláemit ban ni jíkanum an aamme ávi.

Sílam sasu saa Kirista bigitenum bom bi ni wolal

¹⁸ Buru jaamme uroka bugaa ni saŋ, juote júttun ufanul ni gákanum dó. Let bugagu gásüm me ni buru bare juote júttun, bare þop bugagu gátañi me ni buru. ¹⁹ Maagen mamu, mala gákanum Aláemit, wáriari emuten sílam so nubaje, so gukani ni jibijil ró. ²⁰ Ban fumandor fay þan jimandor bugo bategerul mala gatil go jitile ? Bare íni me ban jílam mata búoh maaro jikane, ban n'jumuten sílam sausu ti maagen, dáru waf waaro bújojor Aláemit. ²¹ Aláemit mala ró navogul, mata Kirista faŋaol nálalam molul, ban nagitenulgiten bulago babu min mbi júju jilagen uhagol. ²² Bajut gatil go natile, ban þop jibij jánojan júþullat ni butumol.† ²³ No gujeleol me, alugenut, no gúlatienol me, alobut tání, bare til nahahat þee ni guñen Aláemit o nah'atalin me çol. ²⁴ Ban açila faŋaol natebe utilolal n'enilol no naçet me n'ekurua yay ; mamu, ubbañtal ubajal fugab n'util waw, ban nújuale ñer urojal buroŋ baçole. Ni susolaol may buru jíyabum me gahoy. ²⁵ Maagen, jíniene ti ubbarum wallilim, bare maer jibbanno bi n'akoña ahu aamme may apoyaul.

3

Bu anaare bugo n'áinol guot me guron

† 2:22 2.22 Juluj Esai 53.9

¹ Manur mamu may, buru waareaw juote júttun wáinul, mamu mb'íni me guce ni bugo gulale éinen ni Firim fafu fal Aláemit, baronjerul m'biçilil n'gúinen buru m'balobutil firim fánofan, ² mata þan gujuh bu baronjerul buçol me ni þop bu júju me éttun wáinul. ³ Jambi jáariul jíni jáari jajoumulo ni waf wajugeijuh, ti baeçoerul, úibor wal éurus, ter wañ ujaha ; ⁴ bare jáariul juote til jíni jáari jaa ñáraru uinumul, jaamme jáari jájuut jihajen, jaa biinum bájebie ban ni búsum. Jáari ti jauju jibaj me hámma fañ bújoñor Aláemit. ⁵ Dáuru duomme may bíbor babu baa waareaw ganab me bugaa naanañ gabañ me gafiumil þe n'Aláemit, bugo bákanumer wáinil. ⁶ Uñaral bigitenum ni Saara : nákanumenkanum áinol Aburaham iki nah'avogol « afanom ». Kan ñer buru guñolol jom, eno me jikane maaro ban þop jihalut waf min úhollenul.

⁷ Manur mamu may, buru wáineaw juote jujoh waarul wári, n'effas búoh gufañulfan gágoto. Nemme bugo þop þan guyab ti buru gáji gagu gaa buron babu baa maagen, kan ñer júbboliil. Jikan mamu jambi waf uce uhajen ulaw waw wolul.

Gavoh gal ekan maaro

⁸ Ban íuñen elobom ni gurim gauge : Buru þooul jibaj gajamor, jibaj gaþinor ganur, jíbbolior gábbolior gaa batay, júju erum bugan enil, ban ni jialenoro. ⁹ Jambi an akani maarat nubbañenol mo. Jambi an ajeli nulugen. An til ajeli me, núsonienol, mata dáuru Aláemit

avogul me bi ekan, tima n'jiyab gásonien.

10 Bahiçer babu mame bulobe buoh :

« An amaj me eroj buroj baa gásunay,
ban namañ gunah gagu gaa buronjol gúsum,
jamb'alob gurim gaarat aya ni an,
jambi may abij ateh an.

11 Naate atey maarat min nah'akan maaro.

Naate may alip gásunay gagu,
ban nanaben ni go.

12 Ey, Ataw najegorejegor bugan bugagu gaçol
me,
ban náttunettun ulaw waw wolil,
bare bugan bugagu gakane me maarat, bugo,
náh'ávuijvu búsol*. »

13 Ay ájue akanul maarat buru bakaner to
uinumul þe min jiaken n'jiliþ ekan maaro ?

14 Hani min jílame me mala ekanul waf waçole,
buru bugan jom gabaje gásunay. Jambi júholi
bugan bugagu, jambi may uinumul úguo.

15 Jikan n'uinumul búoh Kirista nananab, ban
açila aamme Ataw ahu ; jiilo liñ nánoran bi
éþajul ánoan ajaeul me eroen mala gafium gagu
golul go jibaj me ; **16** bare mbi jikan yo ni gabeben
ni gákanum dó. Mbi jikan yo þop ni biinum dó
bakure, mamu, no mbi bugan gulob me maarat
guya ni buru, bugan bugaubugi n'gusu bugo ba-
jeler gajogorul go jibaj me ni Kirista. **17** Hoe jílam
n'ekan maaro, íni me mamu Aláemit amanje, so
n'élam n'ekan maarat. **18** Maagen mamu Kirista
fanjaol ñanur nálame ak'açet mala util bugan
bugagu, ban ño bare ; açila açol me naçele mala
buru jaçolut me, min ájaenumul mbal Aláemit

* **3:12** 3.12 Juluj Ufóñ 34.13-17

bi ésumenorul ni o. Maagen, gumumuh eniolal arafuhow, bare Biinum Banabe bukanolkan nabbañ aroñ. ¹⁹ Mamu ñer, ni sembe sasu saa Biinum baubu banur babu, najojow may ak'avare uinum waw waamme ni fipeh, ²⁰ waa bugan bugagu galat me ékanum firim Aláemit naanañ, no açila Aláemit fanjaol abeben me beb nanagil, ni gunah gagu no Nóe acokor me busana babu bámah babu baøagen me jítiman jaju jaa bugan bugagu gaamme futoh ni gúfaji ni báyuer mal babu bámah babu. ²¹ Báyuer mal baubu kakan bigitenum bítinar baa gábatise gagu gaøagenul me may jama ; let mala min gujae me epos mahonete mamu maam me n'enil an, bare mala min buru jícin me Aláemit biinum bakure. Gaøagen gaugu eilo yay yaa Yésu Kirista ni gaçet me eçil go, ²² açila anamo me ni gañen gárib gal Aláemit no naiñ me bi fatiya, ban o emalakaay, sembe sasu ni jávi jaju saa fatiya suomme ni gañen gola.

4

Eroñ buroñ buvugul

¹ Nemme Kirista nálalam ni eniolal, kan buru þoþ juote jibaj gapinor gagu ganur gagu gaamme uge : an ahu álam me n'eniolal, nabane ni gatil gagu. ² Maer juote juroñ gunah gagu gañañoul me babe n'ettam buroñ ti Aláemit amañ me, bare jambi juroñ ti gásibo gagu golul gal arafuhow guroren yo me. ³ Maagen mamu, jurondon naanañ þio buroñ bal ekan ti bugan bugagu gaffasut me Aláemit gumanj

me : nihi jikanenkan galego, n'jibaj gásibo gaarat, nihi jíhallenor, nihi jitiñ waf iki jívafen, n'jibaj furobo fal úhalla, ban nihi jikan sinetal útenjen, yaamme waf wáhojie náar. ⁴ Ñer bugan bugaubugi ni kanil gajahali min buru juronjérít mee maer hóji ti bugo, ban nihi gujelul mala yo.

⁵ Bare þan gubil gulob bújoñor Aláemit mala waf waw wo gukane me, no najae me etalinj bugan bugagu gaamme ni buron ni bugagu gaçet me. ⁶ Yo eçil me, hani bugan bugagu gaçet me guban guvareilvare may Firimfafu Fásum me, min mbi gutalini ti bugan bugagu þe, tima n'gúju guroñ, ni búkanum baa Biinum Banabe, ti Aláemit amañ me.

⁷ Gabao gagu gaa waf waw þe gulofulo. Jíni ñer bugan gajenguloe, bugan gabaje uinum, tima n'júju jilaw. ⁸ Waf waw wo jijae me emundum jikan wo uomme min jíbbolior fañ, mata « gábboli guboketeboket util wammeñe. » ⁹ An ákail me súndoi, ualenol wári m'bámumunorut. ¹⁰ Anóan ni buru naate ajar gáji gagu go Aláemit asenol me, gábulior me ni waa bugagu, min akan maaro bi ni gupalol. Jikan mo me, þan jíni bugan gajoge wári úji wauwu. ¹¹ An ayab me gáji gal elob, nah'avare gurim gagu gal Aláemit. An ayab me gáji gal eramben bugan, akan yo ni sembe sasu ró so Aláemit asenol me, min mbi bugan bugagu gusal Aláemit ni waf waw þe, ni búkanum baa Yésu Kirista, açil me bájalo ni sembe bi nánonan. Amen !

¹² Gutiom bugo níbboli me fañ, jambi sílam sasu sámah sasu saamme ni buru, sáni mee ti sambun sajege, siçilul n'jisigo ti nihi ní me

waf wajahaliene ubajul. ¹³ Júsumaet til mala min jugum me sílam sausu ni Kirista ; mamu, no najaе me egiten bugan bugagu þe gasalol, buru may þan jibaj ésumay yámah. ¹⁴ Eno me gujelul mala min juomme ulagora bugaa Kirista, júsumaet mata Biinum babu bal Aláemit bammeñ mee gasal ubu ni buru. ¹⁵ Jambi ace ni buru álam mala búoh o amuga-bugan nam, ter áku, ter akana-maarat, ter þop mata nanogenogen n'elob yatogutol. ¹⁶ Bare, eno me an nálame mala min aamme ajangara, jamb'asu mala yo ; asal til Aláemit mala min abaj mee gajow gaugu gal alagora Kirista.

¹⁷ Tinah talu tiçige no Aláemit ajae me einnul bataliñ babu, ban bugan bugagu bugola gujae me emundum gutalini. Ban eno me Bataliñ babu bal Aláemit ni wolal bujae emundum, bu ñer bugan bugagu galat me éinen Firimfafu Fásüm me fal Aláemit gujae me eban nogor ? ¹⁸ Ti Bahiçer babu buoh me : « Táñi me náar min an açole apageni, ñer bu jae me éni ni an álapute, ni atila* ? » ¹⁹ Yo eçil me bugan bugagu gaamme ni sílam jaor ni búnungum Aláemit, guote nihi gukan maaro ban ni gunjar buronjil þe guhat ni guñen Aláemit átul me waf waw þe, o nah'alob me waf aban nakan wo.

5

Pier o m'batar ufan waw bugaa sijangu sasu

¹ Maer ñer ban ilob ni ufan waw bugaa sijangu sasu bugolul. Injé fañaom anafan ala jangu nem

* **4:18** 4.18 Juluj Etajen Gaffas 11.31

þop ti bugo. Nijujuh sílam sausaa Kirista, ban þan ibaj fugabom ni gasal gagu gajae me érañul. Injé umu n'étallenul iegul : ² jucokor ekore yay yo Aláemit asenul me gakoñ. Jupoy yo, ban let ti bugan bugo gutujene gúrur ni gapoy gaugu, bare ni biinum básumet ti Aláemit amanj yo me. Jambi ni gapoy gaa filip ebaj, bare til mbi ni gal esenoro. ³ Jambi jiliþ égotten bugo gusenul me juogen, bare til jíni bilihorum báarie bi n'ekore yay. ⁴ Mamu, no afan ahu ala ukoñaaw þe ajae me érañul, buru þan jiyab bi nánongan élandinjal ateba-ebeñ yaije salsal, yo galleñ yo mati gúmus gufokoto.

⁵ Manur mamu may, buru úþur waw juote júttun ufan waw bugaa sijanguul.

Anóan naate ñer aalenoro bújonor apalol, mata Bahiçer babu buoge : « Aláemit nalalat bugan bugagu gatennoro me, min til asen gájiol bugagu gaalenoro me*. » ⁶ Kan jialenoro bi to bújonor sembe sausaa gañen Aláemit, min mb'atebenul no funahfafu fo açila akiç me fujae me eçigul. ⁷ Jijar majogaul þe jibañ n'Aláemit, mata açila acokoreul.

⁸ Jíni bugan gabaje uinum ban jambi júmori, mata alatorul aamme Seytane umu min agetore me ti éjanj, o n'eñes an o najae me ejoh. ⁹ Jijajen bújonorol ban ni jujoh to liñ tir ni gáinen gagu golul, ban n'juosen búoh gutiul gaamme tánatan ni mof sílam sausu sanur sausaa gubaje. ¹⁰ Pan jibaj jílam ñace ni tinah tatiito, bare Aláemit, açil me gáji gánogan, naçobulçob bi

* 5:5 5.5 Juluj Etajen Gaffas 3.34

éni ni gasalol bi nánonan ni gajogorul ni Yésu Kirista. Aćila faņaoļ ƿan akanul me n'jíni bugan ganabe, ƿan alijenul, ƿan asenul sembe ban ƿan arobenuł tiň taake to an mát'áju arikulul. ¹¹ Mbi bájalo babu bíni ni o bi nánonan ! Amen.

Gurim Pier gúbanum

¹² Gurim gauge gareor mee go nihićulul mee, Silas arambenom min ihić go. Nijogoljoh ni gáinen gagu ti atiay ala maagen. Nihićululhić bi esenul buaken ni ƿop bi egitenul búoh buru ni gáji gagu gaa maagen gal Aláemit jujoge. ¹³ Bugan bugagu gaamme babe Babilon bugo Aláemit aćob me ti buru gusafulul. Maruk aamme añolom nasafulul ƿop. ¹⁴ Jisafor búsafor baa batay, baa gábbolior.

Gásumay gúni ni buru ƿooul jajogor me ni Kirista.

**Firim fafu fal Aláemit
Bandial: Firim fafu fal Aláemit Bible**

copyright © 2015 Wycliffe Bible Translators, Inc.

Language: Bandial

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

2256a388-b3d0-5a86-9a2f-8ea0a837d026